

ЯНГИ ЎЗБЕКИСТОН

Ижтимоий-сиёсий газета

№ 91 (91), 2020 йил 24 май, яшанба

www.yuz.uz yuz.uznews yuz_official yuz.uz_news



ЎЗБЕКИСТОН ХАЛҚИГА РАМАЗОН ҲАЙИТИ ТАБРИГИ

Қадри ва муҳтарам ватандошлар!
Авваломбор, сиз азизларни, юртимиздаги барча мўмин-муслмонларни, нуруний отахон ва онахонларимизни, қадри ака-укаларимиз, опа-сингилларимизни, азму шижоатли ёшларимизни, иймон-этиқодли халқимизни муборак Рамазон ҳайити билан чин қалбимдан табриклаб, самимий тилакларимни билдираман.

Рамазони шариф эзгулик, хайру саховат ва меҳр-оқибат оғи сифатида эл-юртимизнинг ижтимоий-маънавий ҳаётида азал-азалдан алоҳида ўрин эгаллаб келади.

Ушбу қутлуғ ойда сабру қаноат, шукроналик, руҳий покланиш, меҳр ва кўмакка муҳтожларга янада эътиборли бўлиш, савобли амаллар қилишдек олижаноб фазилатлар бу йил юртимизда ҳар қачонгидан ҳам яққол намоён бўлди, десам, ўйлайманки, сизлар ҳам бу фикрга қўшилисиз.

Мард ва матонатли халқимиз коронавирус пандемияси, бошимизга тушган турли синовлар ва табиий офатлар шароитида “Аллоҳ сабр-тоқатли инсонлар билан биргадир”, деган илоҳий ўғитга амал қилиб, тушқунликка берилмасдан, янада аҳил ва бирдам бўлиб, инсонпарварлик, ҳамжихатликнинг юксак намунасини кўрсатганини жаҳон ҳамжамияти эътироф этмоқда. Бу билан ҳар қанча фахрлансак, арзийди.

Асрлар давомида халқимиз онгида бағрикенглик, меҳр-мурувват, катталарга хурмат, кичикларга иззат, мустақкам ирода каби ибратли фазилатларни шакллантиришда табаррук Рамазон ойига хос қадриятларнинг ўрни ва таъсири албатта бекибсидир.

Бу йил карантин туфайли Рамазон амаллари ва ибодатларини адо этишда юзага келган маълум қийинчиликларни тўғри тушуниб, бу масалага оқилона ёндашган, айни вақтда “Саховат ва кўмак” умумхалқ ҳаракатида фаол иштирок этаётган қиммати баланд тадбиркорларимиз ва фермерларимизга, турли касб эгалари бўлган кексако ёш барча ватандошларимизга шу улғу айём кунларида яна бир бор чуқур миннатдорчилик билдираман.

Азиз дўстлар!
Маълумки, ҳозирги кунда бутун дунё аҳли каби биз ҳам коронавирус пандемияси билан боғлиқ мушкул вазиятни бошимиздан ўтказмоқдамиз. Шу ўринда бир ҳақиқатни эслатиб ўтишни зарур, деб биламан.

Карам кенг Аллоҳ толо муқаддас Куръони каримда инсонларни масъулиятли синов кунларида сабр ва қаноатли бўлишга даъват этиб, “Албатта, қийинчилик билан бирга энгиллик ҳам бордир”, деб марҳамат қилади.

Чиндан ҳам, ҳар қандай ташвиш ортида энгиллик ва ёруғлик борлигини коронавирус касаллигидан соғайиб чиқётган, табиий офатлар туфайли уй-жойидан айрилган, лекин давлатимиз ва эл-юртимизнинг катта ёрдами ва кўмаги билан ўз ҳаётини янгидан йўлга қўйиб олаётган минглаб юртдошларимиз қалбдан ҳис этмоқдалар.

Шу маънода, бугунги қийинчиликлар албатта ўтиб кетади, ҳали қанча хурсандчилик кунлар, байрам ва ҳайитларни барчамиз биргаликда нишонлаймиз, деб ишонаман.

Шубҳасиз, ҳар қандай машаққатни меҳнат ва матонат, сабру чидам билан мардона энгиб ўтган олижаноб халқимиз бу синовлардан янада кучли ва қудратли бўлиб чиқади.

Ана шундай қатъий ишонч ва кўтаринки кайфият билан бугунги кунда юртимизни тараққий эттириш йўлида даврнинг ўзи талаб этаётган, биз бошлаган кенг кўламли ислоҳот ва ўзгаришларни бир ёқадан бош чиқариб, изчил амалга ошириб, олдимизга қўйган улкан марраларга албатта эришамиз.

Сиз, азиз ва муҳтарам ватандошларимизни эзгу ниятлар рўёбга чиқадиган, хайрли амаллар учун беҳисоб савоблар ёғиладиган, ўзаро бирдамлик, дўстлик ва аҳиллик туйғуларни тараннум этиладиган шукрули Йўл-фитр билан яна бир бор чин юракдан муборакбод этаман.

Фурсатдан фойдаланиб, жаҳондаги барча мўмин-муслмон биродарларимизни ҳам халқимиз номидан самимий қўлаб, уларга тинчлик-осойишталик, файзу барака ва фаровон ҳаёт тилайман.

Нияти пок, мақсадлари улғу халқимизнинг ушбу саодатли онларда қилаётган тоат-ибодатлари ва дуолари ижобат бўлсин!

Парвардигори олам доимо йўлимизни ҳам, юзимизни ҳам ёруғ қилсин! Юртимизни, элимизни турли бало-қазолардан Ўзи асрасин!

Ватанимиз тинч, халқимиз соғ-саломат бўлсин!
Рамазон ҳайити барчамизга муборак бўлсин!

Шавкат МИРЗИЁЕВ,
Ўзбекистон Республикаси Президенти

ЎЗБЕКИСТОН ПРЕЗИДЕНТИНИНГ ТУРКИЯ ПРЕЗИДЕНТИ БИЛАН ТЕЛЕФОН ОРҚАЛИ МУЛОҚОТИ ТЎҒРИСИДА

Ўзбекистон Республикаси Президенти Шавкат Мирзиёев 23 май куни Туркия Республикаси Президенти Режеп Таййип Эрдоған билан телефон орқали мулоқот қилди.

Сўхбат аввалида давлат раҳбарлари бутун муслмон олами учун шодлик ва шукроналик, хайр-саховат ва эзгулик айёми бўлган қутлуғ Рамазон ҳайити муносабати билан ўзаро табрик алмашди, бир-бирларига ва қардош халқларимизга бахт-саодат ва фаровонлик тилалди.

Президентлар икки томонлама муносабатлар, кун тартибдаги масалаларга алоҳида тўхталдилар. Замонавий таҳдид ва хатарларга қарши курашишда яқиндан ҳамкорлик қилинаётгани мамнуният билан қайд этилди.

Коронавирус тарқалишига қарши курашиш борасида иккала мамлакатда қўрилаётган қатъий чора-тадбирлар, ушбу хавфли касалликнинг салбий оқибатларини камайтириш, аҳолига манзилли ёрдам кўрсатиш, иқтисодиётнинг муҳим тармоқлари ва бизнеснинг ривожланишига кўмаклашиш бўйича амалга оширилаётган ишқорозга қарши дастур қўллаб-қувватланди.

Давлатимиз раҳбари Туркия Президентига пандемияга қарши курашда, шунингдек, Сардоба сув омборидаги фавқулодда ҳодиса муносабати билан кўрсатилган амалий ёрдам учун самимий миннатдорлик билдирди.

Ўзбекистон ва Туркия самарали минтақавий транспорт йўлакларини ривожлантириш, жумладан, “Боку-Тбилиси-Карс” темир йўлидан фаол фойдаланишдан, шунингдек, юк ташишлар ҳажмини ошириш учун қулай шароитларни шакллантиришдан манфаатдор.

Сўхбатда кўп қиррали Ўзбекистон — Туркия муносабатларини, аввало, савдо-иқтисодий, инвестиция ва транспорт-коммуникация соҳаларини кенгайтиришга алоҳида эътибор қаратилди.

Олий даражада эришилган келишувларни, шу жумладан, Стратегик ҳамкорлик кенгашининг жорий йил бошида Анкара

шаҳрида ўтган биринчи йиғилиши қарорларини ўз вақтида амалга ошириш муҳим экани таъкидланди.

Савдо кўрсаткичлари динамикасини сақлаш ҳамда иқтисодиётнинг турли тармоқларида Ўзбекистон ва Туркиянинг етакчи компания ва банклари иштирокидаги устувор инвестиция лойиҳаларини илгари суриш бўйича биргаликдаги ишларни, шу жумладан, икки томонлама Ҳукуматлараро комиссия фаолияти доирасида давом эттириш зарурлиги қайд этилди.

Мулоқот якунида минтақавий ҳамкорлик ва халқаро сиёсатнинг қатор долзарб масалалари кўриб чиқилди.

Президентлар Туркий кенгашига аъзо мамлакатларнинг соғлиқни сақлаш, иқтисодиёт, савдо ва транспорт вазирликлари раҳбарлари ўртасидаги онлайн учрашувларнинг самарали натижаларини юксак баҳоладилар.

Сўхбат ҳар доимгидек очик, конструктив ва дўстона руҳда ўтди.

ЎЗА

САМИМИЙ ҚУТЛОВЛАР

Рамазон ҳайити муносабати билан Ўзбекистон Республикаси Президенти Шавкат Мирзиёев номига хорижий давлатлар ва ҳукуматлар, нуфузли халқаро ва минтақавий ташкилотлар раҳбарларидан табрик мактублари келмоқда. Уларга Президентимизга соғлиқ ва муваффақиятлар, Ўзбекистон халқига тинчлик-осойишталик ва раванқ тилаб, эзгу истақлар изҳор этилган.

Жумладан, қуйидагилар ўз табриқларини йўллаган:
Қозоғистон Республикасининг Биринчи Президенти — Элбоши Нурсултон Назарбоев

Қозоғистон Республикаси Президенти Қосим-Жомарт Тоқаев
Туркменистон Президенти Гурбангули Бердимухамедов
Тожикистон Республикаси Президенти Эмомали Раҳмон
Қирғизистон Республикаси Президенти Сооронбай Жээнбеков
Озарбайжон Республикаси Президенти Илҳом Алиев
Туркия Республикаси Президенти Режеп Таййип Эрдоған
Афғонистон Ислоҳ Республикаси Президенти Ашраф Ғани

Бирлашган Араб Амирликлари Президенти шайх Халифа бин Зоид Ол Наҳаён

Бирлашган Араб Амирликлари Вице-президенти, Бош вазири, Дубай Амирлиги ҳокими шайх Муҳаммад бин Рошид Ол Мактум
Бирлашган Араб Амирликлари Қуролли кучлари Олий бош қўмондони ўринбосари, Абу-Дабай Амирлиги валиаҳди — шайх Муҳаммад бин Зоид Ол Наҳаён

Қувайт Амири Сабоҳ ал-Аҳмад ал-Жобир ас-Сабоҳ
Ўмон Султони Ҳайсам бин Ториқ Ол Саид
Иордания Подшоҳи Абдулла II
Яман Республикаси Президенти Мансур Ҳодий
Фаластин Президенти Маҳмуд Аббос
Туркий тилли давлатлар ҳамкорлик кенгаши Бош қотиби Бағдат Амреев.

Қутловлар келиши давом этмоқда.

Шукрона

ЭЗГУЛИК ВА САХОВАТ АЙЁМИ



Ҳамма йўлдошев олган сурат.

Сўнгги йилларда тарих ва маданиятимиз, миллий ўзлгимизнинг ажралмас қисмига айланиб кетган муқаддас динимизни асраш, аждодларимизнинг бебаҳо маънавий-маърифий меросини ўрганиш ва тарғиб этиш йўналишида катта ишлар амалга оширилмоқда. Хусусан, табаррук қадамжолар обод қилиниб, янги-янги илмий, маданий ва диний марказлар, таълим масканлари ташкил этилмоқда. Қувонарлиси, буни жаҳон ҳамжамияти ҳам юксак эътироф этмоқда.

Юртимиздаги барча соҳалар қатори диний-маърифий соҳада амалга оширилаётган ислоҳотлар эътирофи жорий йил март ойда Самарқанд шаҳрида Босния ва Герцеговина, Германия, Иордания, Индонезия, Малайзия, Покистон, Россия, Туркия, Украина, Швейцария, Қирғизистон ва Қозоғистон каби мамлакатлардан етмишга яқин уламолар, исломшунос олимлар, нуфузли таълим муассасалари ҳамда илмий-тадқиқот марказлари раҳбарлари иштирок этган “Имом Абу Мансур Мотуридий ва мотуридия таълимоти: ўтмиш ва бугун” мавзусидаги халқаро конференцияда ҳам алоҳида таъкидланди.

Давоми 2-бетда

Муносабат

БУ ЮРТДА ЯШАШНИНГ ЎЗИ ОЛИЙ САОДАТДИР

Салимаҳон МИРЗАЕВА,
Андижон давлат университети профессори,
филология фанлари доктори

2020 йил бутун дунё учун оғир келди. Юртимиз ҳам бу синовлардан четда қолмади. Коронавирус пандемияси, табиий офатлар ва фожиалар халқимизнинг сабр-бардоши билан бирга назаримизда.

Андижон шаҳри учун бу йил бунёдкорлик йили бўлди, десак янглишмаган бўламиз. Хусусан, шаҳримизда янги етти ва ўн олти қаватли уйлар қўрилаётгани, вилоятимиз бўйлаб замонавий қишлоқлар барпо этилаётгани сўнгги йиллардаги кенг кўламли ишларнинг самарасидир.

“Қачонки халқ рози бўлса, Аллоҳ рози бўлади”, деган ҳикмат замирида катта маъно мужассам. Юртимизда мана шу эзгу гоа асосида иш олиб борилаётгани қувонарлидир.

Давлатимиз раҳбарининг вилоятимизга ташрифи чоғида айтган: “Мени энг кўп ўйлантирадиган масала бу

ёшлар ва хотин-қизлардир. Уларга эътибор, кўмак керак. Билими, кўлида касб-ҳунари бўлса, ҳаётда ўз ўрнини топиб кетади, дунёқароши ҳам бошқача бўлади. Ота-онаси, оиласи ҳам давлатдан рози бўлади”, деган сўзлари нафақат Андижон аҳли, балки барча юртдошимизнинг кўнглидаги гап бўлди. Айниқса, Андижон иқтисодиёт ва қурилиш институтини, Тошкент давлат аграр университети филиали негизда Андижон қишлоқ хўжалиги институтини ташкил этиш юзасидан берилган топшириқ айни вақтда белгиланган долзарб ва устувор вазифа бўлди.

Андижон давлат университетига ҳам талабаларимиз карантин даврида онлайн дарсларда иштирок этиб келишяпти. Уларни баҳолаш, яъни оралик, якуний назоратлар ҳам онлайн тарзда амалга оширилмоқда. Талабалар университет электрон кутубхоналаридан ҳам умумий фойдаланяпти. Электрон кутубхоналардан янги нашрдан чиққан кўп жилдли китоблар, мумтоз ва замонавий адабиётлар, фольклоршунослигимизнинг нодир дурдоналари ҳисобланган кўлаб достонлар, эртақлар ўрин олган.

Вилоятимизда бўлаётган бу каби улкан ўзгаришлар, албатта, юртимизда амалга оширилаётган кенг кўламли ислоҳотларнинг ҳаётимиздаги инъикосидир. Жаннатмақом Ўзбекистонимиз раванқи, тинчлиги, хавфсизлиги ва халқимиз фаровонлиги йўлидаги ишларимиз бардавом бўлаверсин. Ушанда халқимизнинг давлатимизга, ўз қудратига ишончи ҳам ортиб бораверади. Ватанга муҳаббати, садоқати юксалаверади. Зеро, шундай ажойиб, ҳур ўлкада яшашнинг ўзи олий саодатдир.

Янги тажриба

ИЖТМОИЙ ҲИМОЯ ЯҒОНА РЕЕСТРИ

“ҳужжатларингизда камчилик бор” ёки “бу ой пул йўқ, кейинги сафар келинг” каби баҳоналарга ўрин қолдирмайди

Ижтимоий ҳимоя тизими иккита асосий вазифани бажаради: ижтимоий тўловлар ва бу борадаги хизматларни амалга оширади. Ижтимоий тўловлар, асосан, аҳолининг энг кам таъминланган қисмига тақдим этилади. Мамлакатимиз давлат бюджети ҳисобидан ижтимоий соҳага ҳар йили 60 фоиз атрофида маблағ йўналтирилади.

Давоми 6-бетда



Абдугофур АХМЕДОВ,
Ўзбекистон Республикаси
Вазирлар Маҳкамаси ҳузуридаги
Дин ишлари бўйича кўмита раиси



Шоҳруҳ ШОРАХМЕДОВ,
Ўзбекистон Республикаси
молия вазири ўринбосари